

佛說菩薩睽子經

安公錄中闕譯今附西晉錄

聞如是一時佛在比羅勒國與千二百五十比丘及眾菩薩國王大臣人民長者居士清信士女不可稱計一時來會佛告諸比丘皆悉寂靜定意聽我前世初求得菩薩道時戒行普具精進一心修集智慧行於善權功德累積不可稱說諸天釋梵天龍鬼神帝王人民無能行者阿難聞佛言更整衣服長跪叉手白佛言願欲聞之

佛告阿難乃往過去無數世時有菩薩名曰一切妙仁慈惠施救濟羣生常行四等心度世危厄愍育苦人時於兜術天上教授天人常以晝夜各三時定意思惟三界照觀十方天下人民善惡之道知有孝順父母恭敬三尊恭順師長修諸功德者常以天眼遍察五道時有迦夷國中有一長者孤無兒子夫妻兩目皆盲心願入山求无上慧修清淨志信樂空閑善

薩念言此人發意所學微妙而兩目無所見若入山中者或墮溝坑或逢毒虫所見枉害若我壽終為其作子供養父母終其年壽

於是菩薩壽盡即下生為盲父母家作子父母歡喜甚愛重之本發大意欲行入山以生子故便留樂世間子年七歲号字曰睽睽至孝仁慈奉行十善不殺不盜不姪不欺誑不飲酒不妄言不綺語不嫉妬不呪詛信道不疑晝夜精進奉事父母如人事天言常含笑不傷人意行則應法不妄傾邪父母喜悅无復憂愁年過十歲睽長跪白父母言本發大意欲入深山求志空寂無上正真豈以子故而絕本願人在世間無常百變命非金石對至無期願如本意宜及上時入山清淨我自尋隨與父母俱供養隨意不失時節父母報睽言子之孝順天自知之不違本誓便共入山睽即以家中所有之物皆施國中諸貧窮者便與父母俱共入山睽至山中以蒲草為父母作屋施作牀膝不寒不

菩薩睽子經 第二卷

熱恒得時宜適入山中一年衆果豐茂食之香甘泉水涌出清而且涼池中蓮華五色精明栴檀雜香樹木豐茂倍於常時風雨時節不寒不熱樹葉相接以障雨露蔭覆日光其下常涼飛鳥翔集奇妙異類皆作音樂之聲以娛樂盲父母師子熊羆虎狼毒獸皆自慈心相向無復相害之意皆食散草果无恐懼之心麀鹿熊羆雜類之獸皆來附近睽音聲相和皆作娛樂之音睽至孝慈心履地常恐地痛天神山神皆作人形晝夜慰勞三道入三道人一心定意無復憂愁睽常與父母取百種果蔬以食父母恒有盈餘渴飲水无所乏短父母時渴欲飲睽著鹿皮之衣提瓶行取水糜鹿衆鳥亦復往飲水不相畏難時有迦夷國王入山射獵王遙見水邊有糜鹿引弓射鹿箭誤中睽睽被毒箭舉身皆痛便大呼言誰持一毒箭射殺三道入者王聞人聲即便下馬往到睽前睽謂王言象坐牙死犀坐其角翠為毛故麀鹿為皮肉故

菩薩睽子經 第三卷

令我無角无牙無毛皮肉不可取我
今坐何等罪死耶王問睽言卿是何
等人被鹿皮衣與禽獸無異睽言我
是王國中與盲父母俱來入山中
學道二十餘年未曾為虎狼毒虫所
見害今便為王所射殺登介之時山
中大風暴起吹折樹木百鳥悲鳴師
子熊羆走獸之輩皆大號呼動一山
日無精光流泉為竭衆華萎死雷電
動地時盲父母驚起自相謂言睽行
取水經久不還將無為虎狼毒虫所
害禽獸悲鳴音聲號呼不如常時風
起四面樹木摧折必有灾異王時怖
懍大自悔責我所作無狀我本射鹿
箭誤相中耳射殺道人其罪甚重坐
貪小肉重受其殃我今以一國珍寶
庫藏之物宮殿妓女丘郭城邑以救
子命時王便前以手挽拔睽曾箭箭
深不可得出飛鳥走獸四面雲集號
呼動一山中王益惶怖三百六十節
節皆動睽語王言非王之過自我宿
罪所致我不惜身命但憐念我盲父
母年既衰老兩目無所見一旦無我

菩薩藏經 第四卷

亦當於沒無所依仰以是之故用自
懊惱酷毒耳登介之時諸天龍神山
神水神樹神皆為肅動王復重言我
寧入泥犁中百劫受罪使睽身活長
跪向睽悔過言若子命終我當不復
還國便住山中供養卿父母如卿在
時勿以為念諸天龍神皆當證知不
負此誓睽聞王此誓言雖被毒箭心
喜意悅雖死不恨以我盲父母累王
供養道人現世罪滅得福無量王言
卿語我父母處及子未死語我知之
睽即指示語從此步徑去是不遠自
當見一草屋我父母在其中止王徐
徐往勿令我父母怖懍以善權方便
解語其意為我上謝父母無常今至
當就後世不惜我命但念父母年者
兩目復盲一旦無我无所依仰以此
懊惱自酷毒耳死自當分宿罪所致
無有得脫者今自懺悔於父母從無
數劫以來所行衆惡於此罪滅福生
願我與父母世世相值不相遠離願
父母終保年壽勿有憂患天龍鬼神
常隨護助灾害消滅所欲應意無為

菩薩藏經 第五卷

自然王便將數人徑詣父母許王去
之後睽便奄然而死飛鳥禽獸皆大
號哭透睽尸上以舌舐睽身血盲父母聞
此音聲益用怖懼徬徨而住王行馳駛
觸動草木肅有人聲父母驚言此是
何人非我子行王言我是迦夷國王
問道人在山中學道故來供養道人
父母言大王來大善勞屈威尊遠臨
草野王體中安隱不宮殿夫人太子
官屬人民皆安善不風雨和調五穀
豐足不隣國不相侵害不王答道人
言蒙道人恩皆自平安王問評盲父
母來在山中勞心勤苦樹木之間飛
鳥走獸無有侵害道人者不在山中
寒暑隨時現世安隱不盲父母言蒙
大王厚恩常自安隱我有孝子名睽
常為我取百種果蔬泉水恒自豐饒
山中風雨和調無所乏短我有草席
可坐果蔬可食睽行取水且欲來還
王聞盲父母言又大傷心淚出而言
我罪惡無狀入山射獵見水邊有羣
鹿引弓射之箭誤中道人子睽身被
毒箭甚痛故來語二道人父母聞之

菩薩藏經 第六卷

舉身自撲如太山崩地為震動王便自
往前執牽父母仰天號哭自訴言我子
睽天下至孝仁慈無有過者踐地常恐
地痛今有何罪而王射殺之向者大
風卒起吹折樹木百鳥悲鳴號哭動
一山中我在山中二十餘年未曾有
此災異疑我子取水經久不還必當
有故諸神皆驚肅肅而動母啼號不
可復止父言且止人生無有不死者無
常自然不可得却且問王言睽為射
何許今為死活王具以睽口中所言
向盲父母說之聞王此言又大感絕
我一旦無子俱亦當死願王牽我二
人往臨睽尸上王即牽盲父母往到
尸上父抱其兩脚母抱其頭著膝上各
以一手捫摸其胸箭仰天大喚言諸
天及龍神山神樹神水神我子仁慈
至孝諸神所知何能不一哀我子是
善子母便以舌舐睽曾瘡願毒入我
口我年已老目無所見以身代子之命
睽活我死死不恨也於是盲父母言
若睽有至誠至孝者天地所知箭當
找出毒藥當除睽當更生於是第二

菩薩睽子經 第六卷 上

切利天王釋座即為大動以天眼見
二道人抱子號哭乃聞第四兜術天
諸天官龍宮皆儼儼而為動釋梵四
天王即從第四天上來如人伸臂須
來下住睽前以神藥灌睽口中藥入
睽口箭自拔出便活如故父母驚喜
見睽已死更活兩目皆開飛鳥禽獸
皆作歡樂之音風息雲消日為重光
泉水涌出衆華五色樹色光榮倍於
常時王大歡喜不能自勝禮天帝釋
還禮父母及子睽願我國財以上道
人身自留住供養現世罪滅宿怨得
除睽答王言欲報恩者王且還國安
慰國人皆令奉持五戒王勿復射獵
天傷重獸現世身不安隱壽盡當入
泥犁中人居世間恩愛竟有別離久
長不得常在王宿有功德今得為王
莫以得自在故而自放恣於時國王
大自悔責自今以後當如睽教勅不
敢有廢諸隨王射獵者數百人見睽
已死神人持藥來下入口即活父母
眼開皆踊躍發意奉持五戒終身不
犯王還國已宣令國中諸有貧窮盲

菩薩睽子經 第八卷 上

父母如睽比者皆當供養不得損捨
犯者今有重罪於是國中人民以睽
活故上下相教奉修五戒修行十善
死得昇天無入三惡道者佛告阿難
諸來會者宿命睽身我身是也
時盲父者今現父王閔頭檀是也時
盲母者今現我母王夫人摩耶是也
迦夷國王者阿難是也時天帝釋者
弥勒是也使我疾成無上正真之道
史皆是我父母育養慈恩從死得生
感動天龍鬼神父母恩重孝子所致
今得為佛并度國人皆由孝順之德
佛告阿難汝廣為一切人民說之人
有父母不可不孝道不可不學濟神
離苦後得無為皆由慈孝學道所致
佛說經已諸菩薩比丘比丘尼優婆
塞優婆夷國王大臣人民長者居士
莫不加敬稽首佛足作禮而去

佛說菩薩睽子經

辛丑歲高麗國大藏都監奉
勅雕造

菩薩睽子經 第九卷 上

佛說菩薩睽子經

校勘記

一 底本，麗藏本。

一 此本與諸校本文字出入頗大，似是不同的版本，故不校。另附明永樂北藏本於後。